

Christ Andri Hassler: Glisch ed electric schuber per pajais povers

■ **Christ Andri Hassler da Ziràn ha sviluppà in accu cun ina batteria intelligenta: Il sistem solar chargia lampas e telefonins nua ch'ìls umans n'han nagins daners per electric. Actualmain vegn sviluppà in sistem da pajament per ils pajais dal Terz mund.** «L'organisaziun d'agid Caritas è vegnida tar mai cun la dumonda sche jau na pudess betg sviluppar in sistem en connex cun solar e cun glisch», ha ditg l'iniziant dal project *Christ Andri Hassler*. Cun quai ch'el haja adina gì grond interess vi da l'energia solara saja i stà fitg interessant da pudair cumbinar energia solara cun glisch per il Terz

mund, di l'electroinschigner da Ziràn. Enfin ussa sa tracti d'in project da differents partenaris, tranter auter da l'organisaziun d'agid Caritas e la firma Antenna Technologies da Geneva che sviluppescha tecnologias per il Terz mund. L'intent dal project cun il num «Oolux» è da metter il product en la vendita normala. Perquai che 150 dollars ch'il product custa èn blers daners per ils povers vegn il mument examinà sch'igl'è pussaivel da financiar il product cun ina sort da leasing. Actualmain èn 1000 sets solars en funcziun en il Bangladesch, en l'India, en la Kenia, en l'Uganda, en la Samgia ed a Tansania.



La glisch cun accu ch'è vegnida sviluppada da Christ Andri Hassler ha sveglià l'interess da las organisaziuns d'agid.